

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

135

主 編
副主編

吳海鷹

吳建偉

雷興魁

雷曉靜

回族典藏全書

135

甘肅文化出版社
寧夏人民出版社

寧夏回族自治州人民政府

資助

寧夏社會科學院

主辦

寧夏少數民族古籍整理
出版規劃領導小組辦公室

編輯

第一百三十五冊 目錄

五原追悼寧軍陣亡官兵文詞	民國石印本	民國·馬福祥	一
清建威將軍先府君行略	民國石印本	民國·馬福祥	一一九
青島安慶留別手書稿	民國石印本	民國·馬福祥	一三三
先哲言行類鈔	民國鉛印本	民國·馬福祥	二二三

文獻名 五原追悼寧軍陣亡官兵文詞
作者 民國·馬福祥
版本 民國石印本

五原追悼寧軍
陣亡官兵文詞

五原追悼甯軍陣亡官兵文詞

維

中華民國五年三月二十九日會辦包綏軍務甯夏護軍使
馬福祥躬率所部官佐致祭於我軍

陣亡官兵之靈前曰嗚呼

君等英姿颯爽兮為吾軍光或稱軍官之副兮或作百夫之防
或老成而經世變兮或踴躍以入戎行皆熱心而為國兮氣何
慷慨而激昂後先從我以來遊兮華健兒於朔方彼套匪其烏
合兮敢當車以螳螂雖區區之小醜兮氣歛頗覺夫猖狂移我
軍而越境兮冀戡定夫鄰疆踰千里而防剿兮合艱險其備嘗

文獻名 五原追悼寧軍陣亡官兵文詞
作者 民國·馬福祥
版本 民國石印本

文獻名 五原追悼寧軍陣亡官兵文詞
作者 民國·馬福祥
版本 民國石印本

自去秋以迄今今日奔走而不遑大小歷十餘戰兮誓鋤旬始之妖芒搏戰於西山嘴兮身不避夫鐵槍追賊於蘇海口兮路已過夫東商前軍紛紛報捷兮盡滅此非類之犬羊胡功成而身且殲兮將搔首而問彼蒼男兒生未封侯兮死復厝於他鄉家莫知夫存歿兮唱刀頭而盼歸裝可憐閨中少婦兮猶把翦欲寄衣裳膝下嬌兒弱女兮羣穿望眼於沙場何蒼天不令少留兮竟逐夢於黃梁人生不過百歲兮惟留名可以久長諸君捐軀為國兮雖慘死其何傷茲開會以追悼兮淚沅眼其盈眶無論識與不識兮效駿奔而躋躋踴踴風淒淒兮欲哭沙漠漠兮飛黃花寂寂兮供養魂一一兮來嘗況我情本一家兮抱悽

惻於衷腸恍同室相晤對兮拘誠敬以是將值殘寇之將滅兮
願默助余以贊襄尚

贊

追悼會演說詞

勳五位陸軍中將經言剿匪司令李際春

今日公開大會追悼甯軍在綏遠區域疊次陣亡官佐士兵各
界奔走備來不約而同何今人之景慕一至於此豈不以
雲帥為中流砥柱建不世勳名督河朔隄免剿包綏股匪自去
冬以迄於今冰天雪地靡苦不嘗以數百遠來之師當數千方張
之寇然猶斬將搃旗追奔逐北荏苒破膽沙場喋血使前線之
士視死如歸卒能深踣賊巢揚我兵威是殆

文獻名 五原追悼寧軍陣亡官兵文詞
作者 民國·馬福祥
版本 民國石印本

文獻名 五原追悼寧軍陣亡官兵文詞
作者 民國·馬福祥
版 本 民國石印本

雲帥之教育使然予軍司令之指揮如意亦由我陸軍之真精神所團結而成焉者也凡夫開戰地點陣亡姓名忠義所發揚功勳所昭著各代表已詳言之固無俟乎贅述恭奉軍人也久歷邊區學殖荒落又何敢為抵掌談劍是剿匪之役際春躬在行間復蒙

雲帥不棄公胡淵之戰蘇海口之追戰又皆從隨茲施聽受而揮今日躬逢斯會敢言者數端謹陳於左以餉我敢親愛之諸同袍一曰對於

國家有應盡之天職自共和告成憲法宣布人人有當兵義務其時步而來者素抱一片血忱夫豈為富貴計哉為文淵和男

免當以馬革裹尸還葬世說補曰仗劍計叛死生食息之不顧其幸而搗穴犁庭將書勳勒銘固無異乎鷹揚之校與螭虎之士不幸而舍生取義其忠魂毅魄又常在乎陰山之麓與大河之濱蓋其報効國家獨具真誠故其所成者大願負責任故其自待也輕彼退縮不前者視此當有愧色矣一曰對於社會有無形之維持自匪眾猖獗民生塗炭處處聞鶴唳風聲膺專閫之任者倘或旁觀袖手又焉用此軍旅為哉孫子曰知兵之將生民之司命宋史謂韓岳行兵耕夫荷鋤而觀寨民焚香而拜況專制政體徒為一人謀幸福兵士雖拋擲無數之頭顱而利益不及於下共和國家純以人民為主體人民能犧牲箇人之

三

文獻名 五原追悼寧軍陣亡官兵文詞
作者 民國·馬福祥
版本 民國石印本

文獻名 五原追悼寧軍陣亡官兵文詞
作者 民國·馬福祥
版本 民國石印本

性命而人民始受其福故必熱心社會有保護觀念擾累庶乎不聞有道德行為患難在所不避其含笑以去者感激非獨一人焉一曰對於鄰封有最真之感情中國人心散渙當夫平居無事比省與彼省長官或互相往來一旦禍結兵連則惟有各守疆界之一法昔春秋時晉人伐虢虞君不惟不救且假道以聽其滅亡張廵被圍南霽雲出外求援賀蘭進明無意出兵且張宴以恣其歡樂是豈仁人之所為乎惟深明乎唇齒相依之義中心所動舉吟域意見概為消融復能以聲威素著之師勇往直前雖險阻艱難無所畏懼觀甯軍之助剿可為末世風矣不然綏區匪熾距甯甚遠兼之餉糈空乏天氣嚴寒乃各軍執銳

披堅誓殲醜虜雖極之斷脰折臂毫無怨言蓋由救災恤鄰之大義灌輸於夙昔故能越境以成功耳一曰傳於後世有無上之光榮中國政體變更注重整軍修武南軍與北軍聲勢似不相上下一旦衝鋒陷陣則尤以西北諸軍為最勇王彥章曰豹死留皮人死留名司馬遷曰人固有一死死有重於泰山有輕於鴻毛亦視其所趨為何如耳果能於兩軍對壘之際不惜犧牲性命歿於疆場草木亦為之含悲斯足博千秋不朽之名稱為鐵血男兒書諸史策山河亦為之生色觀甯軍所陣亡誠可謂得其所以行見套虜廓清崇德報功卹以帑金表厥宅里俾後世聞風懷想弔古戰場雖極之收豎樵夫皆將稱述設非為國捐軀

文獻名 五原追悼寧軍陣亡官兵文詞
作者 民國·馬福祥
版本 民國石印本

文獻名 五原追悼寧軍陣亡官兵文詞
作者 民國·馬福祥
版本 民國石印本

之勇烈感入乎人心安能留芳至於此乎有此數者雖死猶生
人亦何憚而必繫戀其軀幹耶夫套虜天驕成性自古為中國
邊患蓋匪所最便者馳騁沙漠出沒無常官軍來則遠颺官軍
去則復聚使我疲於奔命彼仍四出竄掠而莫可如何漢大將
軍封狼胥居山尚矣而昭君出塞貽中國羞殆兵力不足以制
夷又別無羈縻之術和親輸款幾為歷史上相沿之成例有明
一代套虜尤橫西北領土為之騷然惟前清開國初殷化行為
甯夏鎮戰勝套虜駿烈豐功卓越古今溯其地點總之不外乎
狼山左右者近是矣

雲帥由甯夏護軍使屢建殊勳於河套間底與殷總兵戰績後

先輝映揚我大漢之威墮彼陰山之淚其軍官功勳所著士兵
血戰之區迹往名留有足令人追思者正不知其幾千百年夫
豈香花供養為一時之盛會已哉

追悼詞

五原縣知事王文墀

嗟乎同袍敵愾來千里之雄師為國捐軀是兩間之正氣追維
已往愴惻靡窮憶自去歲之秋劫運將臨匪氛慚熾聲驚草木
變起蕭牆始則如火燎原莫能撲滅繼乃揭竿斬木大肆猖狂
猶復聯烏合之羣煽鴟張之焰圍攻城邑蹂躪閭閻焚掠則向
骨埋冤姦淫則紅顏飲恨凡如此類實不忍聞五原新築孤城
危如累卵民生寥落兵備空虛新無事以相安徒撫膺而長歎

五

文獻名
五原追悼寧軍陣亡官兵文詞
作者
民國·馬福祥
版
本
民國石印本

文獻名 五原追悼寧軍陣亡官兵文詞
作者 民國·馬福祥
版本 民國石印本

幸我

雲亭軍帥世仰虎臣師援雁塞勝萬里長城之任為一勞永逸
之謀誼重恤鄰勢如破竹前後諸戰殺傷實多芒銷旬始之妖
意存鐵血力戰蚩尤之黨氣欽銅頭我武維揚小醜望塵遁迹
軍容丕振先聲到處奪人危局賴以轉移精銳不無傷損如副官
徐君藝哨長張君萬福馬君成勳士兵韓進忠等十六名或親
臨前線彈飲紅丸或誤入迷途塚鄰青草或追賊而順風直進
或隻身而冒雪前驅要皆盛氣凌人忠忱報國聽令風雲帳下
敬受指揮置身彈雨中則饒膽略魚腸懸劍攻殘醜虜之心
馬革裹尸不愧丈夫之氣留芳名於青史亦足千秋感幻境於

文獻名 五原追悼寧軍陣亡官兵文詞
作者 民國·馬福祥
版本 民國石印本

黃梁渾如一夢欲歸未得雖死猶榮文塤策乏籌邊才慚製錦
牛刀初試鶴唳頻聞烏拉山前思撐持而非易睢陽城裏恐羅
掘其已窮地凍天寒風餐露宿設非君等所向無前急公好義
遠來千里力解重圍邊境何以肅清教堂無由保護誰與戰西
山之嘴過彼披狂安能寒北虜之心使其退避則大局不堪設想
微軀又何足言故今日之追悼 文塤 尤感激涕零悲從中來有
出於不自己者也噫傷心憑弔舉目淒涼却挽紅羊變經蒼狗
於伏劍追隨之際掬香花供養之誠永懷不忘厥功甚鉅從此
仙凡永隔欲覲面而無由日月重明庶忠魂其常在謹陳俚語
用告哀哀